





Equidem Civilia Jura Lege Testamentove deferri hæreditates, non Pactionibus, volunt. *L. f. ff. de suis & leg. hæer.* unde has, tanquam odiosas & cum voto captandæ mortis quodammodo conjunctas, averfantur. *l. 15. l. 30. C. de Pact.* Attamen Germaniæ in Pactis condendis tuendisque tenacissima fides & observantia non tantum inter Conjuges Pacta dotalia, adtribuendam successiõnem, reddidit efficacia. *P. 3. C. El. 19. 20. 22. §. f. 37.* sed etiam illustrium Familiarum felicitatem conventionibus successoriis stabilivit, promovit, incrementisque haud vulgaribus auxit, quod celeberrima Confraternitatum *Cap. Car. VI. art. 1.* Familiarumque antiqua & nova Pacta, *art. 11.* corroborata, evincunt. Hinc Longobardorum Jura Pactis investiturarum vim auctoritatemque plenissimam largientia. *II. f. 2. §. f. II. f. 12.* cum principiis Germanici Juris amicissimè conspirant & Simultaneæ Investituræ, in futuros eventus suspensam succedenti potestatem conferentes, agnatis extraneisque, vetustissimis Imperiimoribus, favent. *LehnR. c. 6. c. 32.* atque diversarum Familiarum Circularumque usu confirmatæ sunt. *Ord. Jud. Aul. Ferd. III. 1. 3. §.* *In welchen Geschlechtern.* (a) Quoniam verò Simultaneæ hæc Investitura apud Saxones jus in ipso feudo radicarum complectitur, virtute cujus alienatio illius, absque ista investitura gaudentis consensu, fieri nequit, ipsique facultas revocandi feudum jure successione, licet Dominus directus in alienationem consenserit, non refuso pretio, competit. *Torgau. Ausschreiben. T. Welchergestalt die Agnaten und Mitbelehnenten ein Lehn-Guth, so ohne ihre Bewilligung verkauft, revociren, und wieder an sich bringen mögen. §. Wann aber. P. 2. C. El. 49. §. nach Absterben,* idemque, si velit, jure reluendi intra annum, oblato emtori pretio, uti potest. *P. 2. C. El. 48. §.* *Da aber. j. II. f. 26. §.* *Titius filios.* disputandi enata est occasio: *Num simultaneæ investitus, solo in venditionem feudi generali. si-*

Contro-versia. *ve antecedente sive consequente, consensu, juri suo reluendi renunciaffe ex-*
Decisio *istimetur.* Qua in re pro *Sententia Negativa* pronunciauit *Facultas Juridica Lipsiensis Mens-*
negati- *Nov. A. 1716.* non sine valido, ut opinor, legum rationumque juris præsidio. Quotquot
va. ex mera benignitate, aut absque singulari emolumentorum fiducia, sibi Simultaneæ investitos adsciscunt, Literis Reversalibus similibusque modis eos, magna cum circumspeditione, sibi obstringere solent, ne, in subsecutura alienationis eventum, incommodis impedimentisque onerentur, & libera alias translatione, admisso simultaneæ investito, excidant, aut, revocationis casu contingente, se suosve hæredes periculis & detrimentis exponant, evictionis præstandæ necessitate nonnunquam post diuturnum temporis tractum emergente. Proinde pactis caveri curant ut consensus, per Reversales interpositus, vice specialissimæ approbationis sit, & cum ad Simultaneæ investitum delata fuerit, juxta investituræ literam, succedenti, revocandi jus omnino extinguat. Vicissim, quoties vasallus feminini sexus descendentiibus, e. g. viduæ aliisque successione incapacibus personis, per reditus feudi, aut etiam alienandi licentiam, consultum it, sibi que voverit Simultaneæ investitos, qui onus renovationem investituræ petendi subeant, & determinatis eo nomine lucris fruantur, verum in destinata liberalitate & patrimonii utilitate eos, quibus prospectum cupit, haud remorentur, ipse vinculum simultaneæ investituræ solito forcius colligat, pactoque penali haud raro potestatem dissolvendi investituræ simultaneæ jura circumferibit, quò, imminuto, per incidentes vicissitudines, emolumentis sensu, renovationis investituræ molestiis onerati, cum detrimento commoda feudi percipientium, obligationem contractam haud exuant. Unde salutare est solatium, pro conservanda simultaneæ investitura indultum, eâ cum prudentia constitui, ut singuli successores, redundantis in se utilitatis intuitu porius, quam solis conventionibus, in statione, quam nacti sunt, retineantur. Pro sententia verò, quæ memorato Simultaneæ investiti consensu non extinctum esse jus reluendi adstruit, (b) *Primò* pugnat, quod inter pacificantes id agitur, ut consensus Simultaneæ investiti generalis difficultates, ex impetrando ipsius assensu in alienationem futuram metuendas, temperet venditoremque ab incommodo præstandæ evictionis, eum ad eundem devolutus fuerit succedendi ordo, immunem præstet, eotem vero securum reddat, ne in eventum, quo
alias

Rat. dec.
 1.

(a) Conf. Schilter. *de Investitur. Simult. Princ. c. 2.*

(b) Conf. Christin. *V. 6. dec. 23. n. 6. Disp. nostra de Feud. ex Pact. cum simult. invest. alienab. Vol. Diff. 26. 1b. 31.* Conf. Kolenthal. *Syn. Jur. Feud. c. 9. membr. 2. concl. 86. n. 4.* Diff. vid. Hartm. *Pill. L. 1. q. 12. n. 49. j. n. 57.* Conf. Casp. Bitfch. *ad text. II. feud. 26. §. Titius filios. not. 15. p. 447.* Ludolph. *Schrad. d. Feud. Part. 8. c. 4. n. 29. seq.*

alias feudum esset ad simultaneè investitum, juxta tenorem investiturae, reversurum, illius ablationem, propter saluum jus evincens, patiat, & revocatoria actione conventus, lite & proficiscentibus inde detrimentis gravetur. *a. II. f. 26. §. Titius filios. verb. omnino removebitur. II. f. 39. Torgau. Ausschreib. d. A. 1583. 1. Welcher gestalt die Agnaten. §. setzen. C. S. p. 484. Wann ein Lehn-Guth mit Consens des Lehn-Herrens, und Bewilligung aller Mitbelehnten, so damahls am Leben, verkauft wird, so soll solches vor kräftig und beständig geachtet werden, und derjenige, welcher es in der gestalt an sich gebracht hat, fünffziger Revocation halber, ohne Gefahr seyn. Secundo gaudet simultaneè investitus ratione juris succedendi, quod consecutus est, tam jure prohibendi sive *περιμισθωσας* proprie sic dicto *II. f. 9. §. porro. verb. in prohibendo.* quo impedire potest, ne feudum alii vendatur, & desiderare oblatum ab eo, qui emere destinavit, pretium sibi denunciari. *l. f. verb. sed ne. C. de Jur. emphyt. P. 2. C. El. 32.* quam jure retractus sive relutionis, virtute cujus, facta translatione feudi in possessorem, ab ipso intra annum utilem illud reposcit, oblato eodem pretio iisdemque conditionibus adimpletis, quas emtor approbavit, *d. text. II. f. 9. §. porro. II. f. 26. §. Titius filios. d. C. El. pr. §. Wo aber. Rescript. Torgau. d. A. 1583. 1. Welcher gestalt die Agnaten. §. So viel erstlich die Agnaten und Mitbelehnten. P. 2. C. El. 48. §. Da aber.* Licet igitur simultaneè investitus per generalem, quem praestitit, consensum facultatem prohibendi alienationem remiserit, non tamen potestate reluendi à possessore praedium feudale se abdicasse creditur, *a. l. 25. ff. d. probat.* quia exercens jus retractus contractum venditoris non impugnat, sed praesupponit, & conventionis validitate conservata, singulare jus exercet; ac venditori, qui qualitate rei feudalis & simultaneè investitorum praerogativam non dissimulavit, suum jus usurpando, haud nocet, siquidem omnes emtionis venditionis condiciones suscipit, emtoremque indemnem hac in parte praestat, & dum jure suo utitur, nemini injuriam facit. *l. 13. §. 1. ff. d. injur.* non secus atque, ob jurium diversitatem, is quoque, qui feudum emere recusat, à jure revocandi illud, delata successione, haud arcetur. (c) *Tertio* simultaneè investitus justum rei, quae venditur, pretium sine, facile ignorat, cum in alienorum bonorum estimatione error tolerabilis sit. *a. l. f. §. 1. ff. profuo.* adeoque, in translationem illius consentiendo, facultatem redimendi, annuo demum lapsu extriaguendam, in dubio remisisse haud existimatur. Quemadmodum enim creditor sciens pignus distrahi, dum passus est illud venire, jus pignoris dimisisse non intelligitur, optime gnarus ubique pignus durare. *l. 8. §. 15. ff. quib. mod. pign. vel hyp. solv. j. l. 15. C. de distract. pign.* ita quoque simultaneè investitus, venditionem sua contradictione non impediendo, aut in eam generaliter consensum praestando, suam prohibendi licentiam excludit, verum retrahendi potestate se non exuit, specialibus venditionis conditionibus perspectis, deliberaturus, utrum, intra indultum ad deliberationem anni spacium, emere, an possessori emtum relinquere, malit; siquidem prohibendi & reluendi jus sunt separata, & priore deficiente postremum adhuc saluum esse existimatur. *a. l. 21. ff. d. S. P. U. l. 91. d. R. F.* Saepè erga emtorem specialis affectus, pretii caritas aut tenuitas, conditionum adjectarum gravitas levitasve, ad redemptionem invitat vel ab ea avocant, de quibus omnibus judicandi facultas deficit tempore praestiti generalis consensu; quem qui exposcit, sibi imputet, quod peculiari determinatione arbitrio reluendi, si potuit, non curavit renunciari. *a. l. 25. ff. d. probat. j. l. 39. ff. d. pact. conf. P. 2. C. El. 32. §. Wo aber solche Denunciation.* Reliquum est ut Dissentientium quoque rationes excutiamus, qui nituntur (1) generalitate Juris Feudalis, hoc enim venditorum feudi agnato potestatem recuperandi illud, reddito pretio, largitur, additque verba expressa: quod si consenserit alienationi, aut per annum, ex quo scivit, tacuit, omnino removebitur. *II. f. 26. §. Titius filios.* exquatur itaque consensus, generaliter expressus, quoad effectum, lapsu annuo, quo perire retrahendi arbitrium constat. Sed quia generali concessione non comprehenduntur ea, quae quis non est verisimiliter in specie concessurus. *c. 81. d. R. F. in 6. & quae insigne pariunt praerudicium ac notabiliter fiunt, nisi specialiter mandentur aut exprimantur, omissa esse censentur. l. 25. §. 5. ff. de acquir. vel om. her. j. l. 15. §. 23. ff. de injur.* etiam simultaneè investitus, qui juris retractus specialem non iniecit mentionem, illi haud renunciasse putatur, nisi evidentem intentionis suae declarationem fecerit; quandoquidem de singulari isto jure remittendo non creditur*

2.

3.

Resol. Dub. 1.

(c) Rosenth. *Syn. feud. c. 9. membr. 2. concl. 91. n. 25.* Dn. Horn. *Jurisprud. Feud. c. 20. §. 14.* Matth. d. Afflic. *ad text. II. f. 3. t. per quos fiat investitura. §. sed & res. n. 4. p. m. 264.* Hartm. Pistor. *l. 1. q. 12. n. 46.*

cogitasse. *a. l. 4. §. 4. ff. si quis caut. in jud. sist. caus. fact.* agnatus autem, ut reluendi jus suo consensu abdicasse intelligatur, notitiam subtrata materix convenientem nactus esse debet, per consuetam pretii indicationem. *II. f. 3. §. 1. verb. pro aliquali pretio accipere volenti. l. f. C. d. jur. emph. verb. attestacionem domino transmitti & predicere quantum pretium ab alio revera accipi potest.* quod de usurpando aut repudiando retractu, satis de circumstantiis informatum, deliberare ac decernere poterit. *a. c. constitutus. §. X. de integr. rest. verb. fecit eos contractui consentire. l. 19. in f. ff. d. inoff. testam. (d)* Urgent aliter sentientes (2) quod in alienationem consentiens ipse alienasse existimetur. *a. l. 8. §. 1. C. d. inoff. donat.* proinde, qui consensit in illicitam donationem, eandem fecisse quodammodo judicatur. *d. l. & creditor,* qui consensit in rei oppignorata venditionem a debitorum factam, pignus dimisisse existimatur. *l. 15. §. ff. d. R. F. l. 11. ff. quib. mod. pign. vel hyp. solv.* At intercedit inter alienantem & alienationi consentientem vera ac notabilis diversitas, ille enim, non hic, de evictione tenetur. *l. 13. C. d. evict.* illicitus autem actus etiam illi, qui consensit, nonnunquam imputatur, quoties suo dissenso impedire potuit debuitque, ne quid in fraudem legis prohibitive susciperetur. *l. 3. §. ff. d. donat. int. vir. & uxor.* Contrarium tuentes adducunt (3) favorem conservandorum in dubio actuum, *l. 80. ff. d. V. O. studium contradictionem evitandi. c. 16. X. d. testib.* quam implicare videtur consensus in venditionem, reluendo ab eo, qui consensit, postea rescindendam, & culpam in genere consentientis, aniamque, istam generalitatem ad quosvis alienationum casus protrahendi, præbentis. *l. 1. §. 1. ff. d. legat. prest.* Verum enim verò venditio ab illo, qui destinationem redimendi legitime exequitur, haud evertitur; saltem, ob jus simultaneè investito datum, ipse in locum prioris substituitur, neque ullam contradictionem involvit consensus ejusdem in alienationem, qua efficit ut contractus subsistat. *a. l. 1. §. 2. ff. quod quisque jur. in alt. stat.* non tamen irrevocabilis, cum præjudicio istius, qui retrahendi potestatem habet, fiat; quia hic se à retractu exclusisse, ob strictam remissionis jurium interpretationem, non intelligitur. *l. 25. ff. d. probat.* Sufficiant tradita de controversia speciali, generalius Controversum Naturæ & Gentium, Publicum Romano-Germanicum, Civile, Feudale & Canonium Jus, occasione Gymnasii mei Polemici, ventillare desiderarunt *Viri Juvenes Generosissimi atque Nobilissimi*, qui tantum in Decus & Splendorem Familiarum nati, quam virtute sua ad fiduciam & spem condecorandi Rempubl. eluctati, vires suas experiri eo ordine, quem fortis designavit arbitrium, decreverunt, quandoquidem defendet.

Dn. FRIEDERICUS de ZEDLIZ, Eques Siles. Jur. Nat. & Gent. Disp. I. II. III. Jur. Civ. X. XI. XII.

Dn. WILHELMUS ZACHARIAS CRAMER, Lipf. Jur. Publ. Disp. I. II. III. Jur. Civil. VII. VIII. IX.

Dn. GOTTFRIED GRÆVIUS, Lipf. Jur. Civ. Disp. I. II. III. it. XIII. XIV. XV.

Dn. M. ANTONIUS AUGUSTUS HEYLAND, Lipf. Jur. Civ. Disp. IV. V. VI.

Dn. CHRISTOPH FRIEDERICUS L. BARO de & in TANN. Jur. Civ. Disp. XVI. XVII. XVIII.

Dn. FRIEDERICUS CAROLUS VOIT à SALZBURG, Eques Francus. Jur. Feud. Disp. I. II. III. Jur. Can. Disp. I. & II.

Sicuti autem Respondentium, ita quoque Opponentium partes exornare, pro virili sua, studebunt, extraneorum opera subinde admitta. Itaque *Generosissima atque Nobilissima Studiose Juventutis Concio* Actibus Disputatoriis, qui diebus Mercurii habebuntur, quoties pro valvis publicis indicati fuerint, sua frequenti præsentia decus addere haud gravabitur, id quod excitandæ & promovendæ in hac Palæstra desudantium industria serviet, & non ingrati apud singulos pariet amoris, in optimam atatem collati, etiam post diuturnum temporis intervallum, recordationem. P. P. Dominica Trinitatis. An. MDCCXVII.

(d) Reink. d. Retract. consanguinitat. q. 2. n. 195. Fichard. V. 2. Consil. 34. n. 10.

TYPIS IMMANUELIS TITII.

Leipzig, Diss., 1717



4
sb.

Vol 18







18
11/19/11

D. D.
LÜDERUS MENCKE, JC.
CONSILIAR. REG. POLON. ET ELECT. SAXONIÆ,
DECRETAL. PROF. PUBL. ET FACULTAT. JURID.
LIPS. ORDINARIUS.
AD
VENTILATIONEM PUBLICAM
CONTROVERSIARUM
SELECTARUM
JURIS NATURALIS
ET
GENTIUM, PUBLICI,
CIVILIS, FEUDALIS
ET CANONICI,
DIE MERCURII
HORIS ANTEMERIDIANIS
SUSCIPIENDAM,
IN COLLEGIO JCTORUM
GENEROSISSIMOS AC NOBILISSIMOS
JURIUM CULTORES
PERAMANTER
INVITAT.

18
11/19/11

